

足答上帝之眷相、清邊陲之祲氛、愚民之貪利、帝陵后墓、不識那物、有盜土石、斬樹木、暴露歛具、至甚者起亭榭、窮宴佚於其上、某偶覩之、不覺汙洒透衣、今舉狀其近、以仰遠方之恩察、切祈閣下少垂鑒念、伏惟近京如深草木幡諸地、桓武以下、中葉妃嬪勳戚之壘壞、相望郊野、歷年之久、遺址存者無幾耳、近時陶瓦多取材此、或往々墾開田圃林藪山丘漸作平野、封隧奄爲稻麥、嗟取陵上一杯之土、葺民間棲息之屋、巨罪章々、塗粉其軀、何以足慰神威、謹按畝火山之神武陵、柏原之桓武陵、此帝陵之尤者、宜超他顯異崇禮、今此二陵、實滅厥所、國家之闕典莫甚之、某不量其分、先以檢尋柏陵爲己務、或勞力履歷、或覃思舊志、其事雖細微、勤苦不敢讓故人、概昔之論者、皆依準僞陵費嘴辨、此即所以不得其眞也、一云、今伏見城山古御香、大龜谷總柏原之地也、然而陵之所在、爲城中央築城時陵壞必矣、一云、小栗栖管之轉毗也、以上紛趨不決、其徒殆倦搜索、遂泥執於山槐記中、柏原者伏見山松原中也、又入伏見柏原內等之章句、雷同於松○松見林蒲生、二氏者有之、按城山古之木幡山、巨幡墓及門址今現存焉、陵壞之說乃不取也、仍憶雄略紀載深草埴器條、曰山脊國內俯見古者深草都稱伏見三峰稻荷社、今稱伏見稻荷、此其類也、然則山槐記之伏見山、恐非城山矣、以愚見論之、山伏冢、此爲初葬之陵、冢畔有溪流一帶、常史載大同元年十月御改葬事、註云是歲大水、或山陵壞損、以故有遷築之舉者此邪、又其東南有稱龜前堂原地豐公居伏見時、穿其丘後通道山階、自是遂失其位置、惟南面存巍巍之狀、恰與延曆年間之制合、又其東方有小丘、呼曰御輿冢以有此等、人之指斯地爲葬所、不亦宜哉、是爲其一證、陵本名柏原、今偏稱擬陵、不唱他以故世俗莫知、谷口之爲柏原者、而其邊總稱御草山、廣袤東西六百六十弓、南北千九十八弓、中有深草管地之犬牙焉、東踵于向原頂上、西踵于大龜谷內大谷町、此所上古和州之官道、南踵于小栗栖道右、北踵于瓦町東北峰、四疆俱十一町、乃合於兆域之古法、而陵固倚西被置、域內亦以有山谷、經界不釐正、故或云東八町、西三町、又云加丑寅角二岑一谷、今其北方有谷、呼